

谷而過之高壓電線鐵架，引水道長二萬多呎，自青山新墟沿山坡直透掃管笏谷後之大欖涌水塘西首副壩，此引水道建成已有多多年，為大欖涌水塘兩大主要引水道之一。引入水塘之一段為一地底隧道，形如曲尺，水旱時可通行人，隧道口上方為黃坭墩水塘路之入口。引水道上可行車，惟以有關部門工作人員之車輛為限，高壓電架為近年所建，電架各有編號，在本山範圍內有十八座，編號為CP 31至48，自大欖涌水塘西岸起第一座為CP 31，沿山西上，經主峯北首三四百公尺間之山脊地帶，直線而過，至新墟附近穿谷轉下三聖墟後之山坡，此鐵架為遠自青衣而來之三大系列輸電鐵架中西行一列之最後幾座，三列輸電系統，自青衣電廠分出兩列電架渡海引至上葵涌仔指經山坡，三分而出，一稱坑口線，沿石梨貝羣山過九龍諸嶺，轉下大上托東行，為東線，一稱沙田線，穿城門河谷而下沙田大圍後之城門下塘，止於車路之上，此線最短，為中線，一稱青山線，橫越芙蓉山、蓮花山及上下塘，經大欖涌九逕山而至青山新墟，為西線。

登九逕山，可自青山墟，可自掃管笏，可自黃坭墩水塘，可自紅水橋，可自藍地，而以由青山墟或掃管笏方面登山東下黃坭墩水塘或北走紅水嶺轉出屏山地區為較佳，茲將屯門方面之登山路線簡略介紹如後：


(一)何福堂線——屯門新墟前有何福堂學校。學校偏南有一小石徑引入鄉師同學會學校，

沿徑而行，小路轉折於村屋之間，村名井頭村，多歧路及吠犬，可向村民問登山之路徑，過盡村屋即至山坡，坡上只有短草，一徑橫過，南行引入一谷，谷口為引水道，谷內有水坑，水勢頗盛，多大石，右首一峯高聳，山脊上有電架，離坑澗上山，坡度頗陡直，崗頂多風化地帶，山脊東南上延，小徑在主峯與偏西之副峯間低均上橫過，至均上轉分為二，一南行斜下掃管笏，一東上登九逕山頂，頂上近年築有一高十數呎之方形石屋，四周繞以鐵網，乃電燈公司之電機房，因有此屋，九逕山頂之最高點遂提高至屋頂，而山頂舊有之測量墩亦改置於石屋頂上。北首山坡上另有一較小之單層石屋，兩屋相距不過數丈，小屋為農林處防火瞭望站，秋冬之季，有專人當值。

(二)容龍線——自容龍別墅附近山坡可隨意覓路上山，或逕自容龍別墅泳地附近山坡上行，過一坑谷，即至崗頂之小林地帶，此處間有水喉石墩，山坡崩坭處處，然不難行走，稍前行即至引水道，沿引水道北行，過石橋上山轉出山谷，谷內有水溪，沿溪有小水壩數座，溪邊有小徑，山坡上為風化地帶，沙浮石滑，全無徑路，然無礙於攀登。上行可至一高四百六十公尺之山峯。此峯在主峯之西，為九逕山之副峯。其東南首隔一小均另有一頂，上有大石，有容龍二字，已漸模糊，東行渡均轉上，即至山頂。

山頂周圍有大石，多聚於石屋之南，石堆

九逕山下瞰磨刀海，背景為大嶼山



旁為舊日測量石柱之所在，今時尚有痕跡可尋，因有石屋阻礙，頂上不能環眺，只能分別於屋之前後分段觀眺以望，計屋南所見，西有青山全脈，南起望后石，北止良田坳，其間青山主峯形貌雄奇，山勢巍巍峭拔，一峯尖挺指天，傲然作態。細數境內羣山，除東陲之蝟蛇尖，北首面影外，更無他峯可與比擬，至青山山麓之屯門灣景，則因有副峯在前，盡擋風光而不能入目。青山以外，磨刀海形似一湖，縱目所見，三面皆山，只餘西口，大嶼一島橫陳於前，西起虎山，東止五鼓嶺，除東北角之拐石咀被阻於桃坑峒南脊而不可見外，全島形態一覽盡收。大嶼以外，大小島嶼羅列，在港境者有喜靈日光，大小交椅，南丫與香港島，在港境外者則有担丁列島，外伶仃及南海小嶼，大嶼西咀以外，遠景有珠江。彼岸之澳門及中山縣地區，近景則有沙洲各島，而磨刀海中，大小磨刀三島，位佔中央，長索僻處陰溼之旁，與今已連陸，名稱亦改之琵琶洲一南一北，隔海呼應，偏西之赤立角雖為龐然大島，自山頂遠望，宛如大嶼陸地之部份而無島貌。獨島西之欖洲小嶼，離立海中，形如一艇。海面空闊恬靜，間有溫舟，山下濱海地區，小崗起伏，夾護掃管笏谷地，山脊頂上黃坭處處，一派荒蕪。偏北一塘入目，此為真正之淡水湖，即大欖涌水塘，塘上山巒出水，成湖中小嶼，頂上密佈綠樹，如能汎舟以遊湖，登臨崗頂嘯傲，當為美事，水塘全貌大致可見。塘後一山高聳，有明顯之防火路直透山頂，此山為大欖涌東南之名山桃坑峒。桃坑峒後青衣三峯並峙，背後

之鯉魚門亦可入目，視野直透東海，大致此面所見，以水為主，而有大小山巒點綴其間。繞過石屋北面，則所見山多水少，在方入目者為青山山脈北延之大礪山，山脊直走別名大頭山之靈渡山，旅行界雙渡連攀之路線，一覽可盡，靈渡山後為南頭半島與后海灣，山麓則為伸延極廣，自青山灣畔直透元朗之平原地帶。千百年前，此區為一淺海，至清朝中葉，元朗屯門仍可通舟楫，料當時尚有河流縱貫全區。近百年來因天然淤積與人工填塞，已無水道可尋，即本為大海之青山灣偏北部份，亦已變為平地。元朗以外，遠山重疊，梧桐雄鎮於後，與黃嶺山脈各據一方，圭角山與大刀岙左右對峙。環護錦田平原，偏右一山高聳，山勢高峻而不險，兩坡斜度平緩對稱，大有君臨萬邦之氣象，乃香港境內第一高山大帽山。山之左右兩坡各有一峯尖出如髻，而以左峯較為明顯，兩髻峯一為石崗後之觀音山頂，一為城門小塘後針山之尖峯。針山之後，有黃牛落峯，九龍羣嶺及釣魚翁山脊，其前則有蓮花山，金山與青衣山。羣山擁聚大帽之下，真似百獄朝宗，倍顯大帽之超絕羣倫。眼前近景，則見九逕山北首諸脊縱橫錯出，脊頂草樹稀疏，秃脊上每見黃坭沙礫外露，防火山路如帶，蜿蜒北去，山坡散佈大小岩石，景色雖是荒漠冷寂，環望仍可窺見鄉村市集之影，猶勝青山半島西部腹地四望皆為光禿山脊或茫茫大海之情形。

佇立山頂，細賞海光山色，辨認各地之形貌位置，已足消磨半日光陰。如遊興已盡，可隨意擇路轉回屯門新墟或南下掃管笏。下山之



前，宜先登臨西方之副峯，一覽青山灣之鳥瞰景色，今時三聖墟全境遷拆填海，孤懸海中之老鼠島亦已連陸。舊墟所在，瘡痍滿目，塵土飛揚，雖則海面仍有帆影，已無昔日之幽美景色。

若時間充裕，應沿山脊北行過紅水嶺，如此則可對九逕山有一較深刻之認識。山頂以北諸脊有明顯之防火小徑穿插，不虞迷路，惟須上落大小山坳，坳上樹矮草長，如遇北風大盛，可見草浪遍谷，直如大海翻波，蓋草性柔軟，強風吹過，長草隨風曲偃，搖擺如浪如濤。嘗於秋冬之日越脊北行，偶見草浪翻騰，嘆為奇觀而不忍遽去。北行未幾至一橫嶺，上有巨石，此嶼與主峯隔谷相望，又北山勢斜下。山坳上電線鐵架散立，上拖高壓電線，橫跨全谷。山徑自編號CP 40之電架左方斜出，又前行引至一低坳，坳上有防火植林路平行而過。前方則有一列密佈小坳之山脊。如循植林路右行，可至黃坭墩水塘之上。此處山坡平緩斜降。坡上全為風化黃土，半坡以下有一平行如鐵路車軌，相距約四五呎，深約三四呎之兩度淺坑，此坑長數十丈，直薄水塘之後，人稱神仙轍，有說為天然產品，有說為人工遺跡，真相不明。離植林路北上山崗，翻過數峯可至紅水嶺

之主峯與北峯。計自山頂以至紅水嶺，各峯連綿起伏，峯與峯之山坳或高或低，既升又降，每令遊者不耐，兩坡所見無大差異。左首為九逕兩脈，一片黃坡，間有短草，青山山脈北首各峯顯現山脊之後，右首亦為連綿羣山，不外為大帽兩脈諸山。在偏南各山峯頂上猶可見香港及大嶼山，北降後則因位置較低，所見只有山谷，待至紅水嶺前後，元朗平原漸顯，一片開揚，眼界始又一廣。

紅水嶺頂山脊大量風化，西坡有人工植林，多種松樹，東坡則因當風，只有黃坭，頂上無吸引遊人之處，外望則田園風光如畫，屏山元朗兩大谷地，會於后海灣南，平野一片，極堪駐足漫賞。

飽覽風景既畢，可隨意擇路轉下山麓，山徑頗曲折，然稍作尋覓即得，不難通走。

紅水嶺與北首平原上之紅水橋村皆以紅水為名，其來源據傳有一段悲慘之故事。現將新安縣志所載錄轉如下，以殿本文：

「紅水山在城南五十里周圍十餘里昔傳土人於此遇賊殲焉坑水盡赤故名上有龍船石二各長二丈許一覆一仰叩之聲如洪鐘其坑流十餘里田藉灌溉。」



從桃坑峒望九逕山及大欖涌水塘